



USAID
FROM THE AMERICAN PEOPLE



Malawi Ministry of Education, Science and
Technology

CONTINUOUS PROFESSIONAL DEVELOPMENT FOR TEACHERS

Ntchito ndi Maudindo a Makomiti a Sukulu Powunika Maphunziro a ku Pulayimale

LEADERSHIP MODULE 4



DZINA: _____

Produced and published under the Malawi Teacher Professional Development Support (MTPDS) programme
(Contract No.: EDH-I-00-05-00026-02; Task Order No: EDH-I-04-05-00026-00) in collaboration with the Ministry of
Education, Science and Technology (MoEST), Government of Malawi, through the Malawi Institute of Education.

Continuous Professional Development for Teachers

Leadership Module 4

Ntchito ndi Maudindo a Makomiti a Sukulu Powunika Maphunziro a ku Pulayimale

Produced and published under the USAID Malawi Teacher Professional Development Support (MTPDS) programme (**Contract No.: EDH-I-00-05-00026-02; Task Order No: EDH-I-04-05-00026-00**) in collaboration with the Ministry of Education, Science and Technology (MoEST) and the Government of Malawi through the Malawi Institute of Education.

Mau othokoza

Bukuli lakonzedwa kudzera mu mgwirizano wa bungwe la Malawi Teacher Professional Development Support ndi Unduna wa za Maphunziro. A ku Unduna wa za Maphunziro akuthokoza onse omwe athandiza pa nchitoyi, makamaka oyimira makomiti a sukulu (SMC), oyimira mabungwe a makolo ndi aphunzitsi (PTA), maPEA, mahedi ndi onse omwe adatenga nawo mbali kuti bukuli litheke.

October 2012

Maina ofupikitsidwa

ADC	Area Development Committee
AEC	Area Executive Committee
CDA	Community Development Assistant
CPD	Continuous Professional Development
ESIP	Education Sector implementation Plan
MTPDS	Malawi Teacher Professional Development Support
NESP	National Educational Sector Plan
NPC	National Primary Curriculum
OBE	Outcomes-Based Education
PCAR	Primary Curriculum and Assessment Reform
PEA	Primary Education Adviser
PTA	Parent-Teacher Association
SAT	School Assessment Tool
SIP	School Improvement Plan
SMC	School Management Committee
TA	Traditional Authority
VDC	Village Development Committee

Za m'bukuli

Mau othokoza	ii
Za m'bukuli.....	iv
Uthenga wa mlembi wamkulu ku unduna wa maphunziro	1
Mawu Oyamba.....	2
Dongosolo	3
KUWUNIKA ZA M'MBUYO (Review of Leadership Modules 1-3).....	4
Ntchito.....	5
Mathero.....	6
MUTU 1: Kuwuniqa ntchito za makomiti a sukulu ndi mabungwe a makolo ndi aphunzitsi mogwirizana ndi ndondomeko yatsopano ya maphunziro a ku pulayimale	7
Ntchito yoyamba: Maudindo a ena okhudzidwa pa kayendetsedwe ka sululu ndi ntchito zawo (ola limodzi)	8
Ntchito yachiwiri: Kukambirana zolina za Dongosolo la kalondolondo wowunika maphunziro (mphindi 45)	11
Mathero.....	13
MUTU 2: Kugwiritsa ntchito chipangizo chowunikira maphunziro	14
Ntchito yoyamba: kukonzekera kugwiritsa ntchito chipangizo chowunikira maphunziro (School Assessment Tool) (mphindi 50)	15
Ntchito yachiwiri: kukambirana kumene tingapeze umboni wa momwe maphunziro akuyendera (mphindi 50)	16
Ntchito yachitatu: Kukambirana momwe tingagwiritsire ntchito chipangizo chowunikira maphunziro (ola limodzi).....	20
Ntchito yachinayi: Kukambirana momwe tingagwiritsire ntchito umboni womwe tapeza pa sukulu (mphindi 50).....	24
Mathero.....	25
References	27


Uthenga wa mlembi wamkulu ku unduna wa maphunziro

Unduna wa maphunziro unayambitsa ndondomeko ya maphunziro yatsopano yotchedwa Primary Curriculum and Assessment Reform (PCAR) msukulu zonse za pulayimale m'chaka cha 2007. PCAR imatsatila kaphunzitsidwe kotchedwa Outcomes-Based Education (OBE) ndipo yapereka chiyembekezo chachikulu chopititsa patsogolo maphunziro m'Malawi muno. Kaphunzitsidwe ka OBE kamalunjika pa wophunzira ndikugwiritsa njira zopereka mpata kwa ophunzira kuti azichita zinthu mkalasi m'malo mongokhala kumvetsera. Kaphunzitsidweka kamaperekanso mpata kwa aphunzitsi woyesa ophunzira mwafupipafupi. Mu njira imeneyi, aphunzitsi amampatsa wophunzira ali yense chidwi ndi nthawi payekhapayekha kuti akhoze zomwe akuyenera kuphunzira.

Angakhale zili dele, PCAR yakumana ndi mavuto ena ndi ena. Kaphunzitsidwe katsopanoka kamayenderana ndi nzeru zatsopano zotsatirana ndi OBE. Angakhale kuti aphunzitsi ndi atsogoleri a sukulu adaphunzitsidwa za PCAR ndi za OBE, maphunzirowa sadakwanire, chifukwa cha nthawi ndi zofunikira zina. Sabata imodzi yokha idali yosakwanira kuthandiza aphunzitsi kuphunzira zonse zofunika potsatira ndondomeko yatsopanoyi. Zinthu zikasimtha aphunzitsi amafunika athandizidwe mosalekeza kufikira ataphunzira mokwanira. Maphunziro opitiliza a aphunzitsi a Continuous Professional Development (CPD) ndi omwe amadziwika kuti ndi othandiza pokweza kaphunzitsidwe ndi kaphunziliridwe mkalasi. CPD ingayende bwino pa zoni, kalasita, ndi pa sukulu.

Pofuna kuthandiza kuititsa patsogolo ntchito ya uphunzitsi, bungwe la Malawi Teacher Professional Development Support (MTPDS), mothandizana ndi unduna wa maphunziro, likupereka chithandizo choti CPD ikhazikike m'masukulu ndi m'ma cluster. MTPDS imapereka chithandizo ku unduna wa za maphunziro pogwira ntchito limodzi ndi aku Malawi Institute of Education ndi akatswiri ena ochokera kumbali zosianasiyana, kuti afufuze zomwe zikusowekera pa utsogoleri wa sukulu ndi kaphunzitsidwe m'makalasi a sitandade 1 kulekeza 4. Chithandizochi chikupita ku maphunziro a kulemba ndi kuwerenga, ndi utsogoleri wa pa sukulu. Mabukuwa akugwiritsidwa ntchito pophunzitsa maPEA, mahedi, ndi mamenta a CPD. Mahedi ndi mamenta amagwiritsa ntchito mabukuwa pothandiza aphunzitsi kuzama mu kaphunzitsidwe.

Ine ndili ndi chikhulupiliro kuti mahedi, mamenta ndi aphunzitsi apeza nzeru zatsopano m'mabukuwa zothandiza zosowa zawo kuti PCAR ndi OBE ziyende bwino. Potero, kaphunzitsidwe ndi kaphunziliridwe zipita patsogolo mdziko lino, ndipo ophunzira achita bwino pa maphunziro awo.



John J. Bisika

MLEMBI WAMKULU KU UNDUNA WA MAPHUNZIRO

Mawu Oyamba

Maphunziro omwe ali m'buku lino alembedwa ndi cholinga chothandiza ma Komiti a Sukulu (School Management Committee-SMC) ndi mabungwe a makolo ndi aphunzitsi (Parent Teacher Association-PTA) kuchita kalondolondo wa m'mene ndondomeko ya maphunziro aku pulaimale ikuyendera. Maphunzirowa akhazikitsidwa potsatira zomwe Boma la Malawi likuchita, posintha kayendetsedwe ka zinthu. Ma udindo omwe anali m'manja mwa likulu la boma ku Lilongwe akutsikira ku maboma ang'onoang'ono. Makolo ndi onse okhudzidwa pa za kayendetsedwe ka sukulu akupatsidwa ena mwa maudindowa.

Maphunzirowa akonzedwa kuti alimbikitse ntchito ndi udindo wa makolo, ma Komiti a Sukulu, ndi onse okhudzidwa ndi kayendetsedwe ka sukulu. Ntchitoyi ingalimbikitsidwe popereka mwayi kwa makolo ndi ma komiti kubwera pa sukulu, kulowa mkalasi ndi kutsatira mwachindunji zonse zomwe zikuchitika pa maphunziro a pasukulupo. Maphunzirowa athandiza makolo ndi ma komiti kugwiritsa ntchito chipangizo chowunikira m'mene maphunziro akuyendera.

Cholinga chachikulu cha boma pa maphunziro a ku pulayimale ndi kupatsa ophunzira maphunziro ndi maluso oti awathandize kukula mu udindo wawo ngati nzika zozindikira popititsa patsogolo chitukuko ndi ufulu mdziko lino. Unduna wa zamaphunziro udakhaziktsa dongosolo la nthambi ya maphunziro a dziko lino (National Education Sector Plan-NESP) ndi kagwiridwe ka ntchito kake (Education Sector Implementation Plan-ESIP), momwe muli zolina zitatu za maphunziro aku pulayimale. Zolina ndi izi:

1. kuphunzitsa maphunziro apamwamba ndi ofunika
2. kuona kuti pali njira ndi mwai wofanana kuti ophunzira onse akazi ndi amuna aphunzire bwino ndi kutsiriza maphunziro a pulayimale
3. kuona kuti pali njira zabwino zoyendetsera sukulu

Ndondomeko ya maphunziro ya National Primary Curriculum (NPC) inayambira mu sitandade 2, 5 ndi 6 mu Januwale 2008, sitandade 3 ndi 7 mu Januwale 2009, sitandade 4 ndi 8 mu Disembala 2009.

Aphunzitsi akuyenera kuyesa ophunzira mwapafupipafupi (continuous assessment) pa zomwe aphunzira. NPC ili ndi cholinga chopereka mpata kwa ophunzira ndi kukwanirtsia njira zavo zophunzilira pogwiritsa ntchito njira zosiyanasiyana ndi kuwapatsa nthawi yokwanira kuti akhoze m'me'ne angathere.

Unduna wa za maphunziro wakonza bukuli limodzi ndi a Malawi Teacher Professional Development Support, omwe akugwira ntchito yozamitsa ndi kupititsa patsogolo maluso a aphunzitsi. Ntchitoyi inayamba m'chaka cha 2010, ndipo itha m'chaka cha 2013.

Dongosolo

Dongosololi ndi longolangiza chabe. Mukhoza kulisintha malingana ndi nthawi.

Nthawi	Chochita
8:00 am	Kufika ndi kulembetsa maina a obwera
8:30 am-8:35 am	Pemphero lotsekulira
8:35 am-8:40 am	Mawu otsekulira msonkhano
8:40 am-8:45 am	Kudziwana (Self-introductions)
8:45 am-9:30 am	Kuwunika za m'mbuyomu (Review of Leadership Modules 1-3)
9:30 am-10:00 am	Mutu 1: Kuwunika ntchito za ma komiti a sukulu
10:00 am – 10:10 am	Kupumira
10:10 am – 11:30 pm	Mutu 1: Kuwunika ntchito za ma komiti a sukulu
11:30 pm – 12:30 pm	Nkhumaliro
12:30 pm-2:30 pm	Mutu 2: Kugwiritsa ntchito chipangizo chowunikira maphunziro
2:30 pm-2:40 pm	Kupumira
2:40 pm – 4:00 pm	Mutu 2: Kupitiliza
4:00 pm-4:15 pm	Kukambirana zomwe zitachitike kenako
4:15 pm	Pemphero lotsekera

KUWUNIKA ZA M'MBUYO (Review of Leadership Modules 1-3)

Chiyambi

Buku lino ndi lachinayi mu mndandanda wa mabuku ophunzitsa atsogoleri a sukulu za pulayimale, monga a hedi ndi a mentor a CPD. Kano ndikoyamba kuti maphunziro amenewa akhudze makomiti a sukulu. Buku loyamba lidakamba za m'mene sukulu ili yonse ingakhazikitsire pulogalamu ya Continuous Professional Development (CPD) pogwiritsa ntchito zida zopereka dongosolo mwa tsatanetsatane. Buku lachiwiri lidakamba za momwe atsogoleri a sukulu angagwirire ntchito yawo polowa mkalasi ndikuunika m'mene aphunzitsi akuphunzitsira, ndi kupititsa patsogolo kaphunzitsidwe, kayesedwe ka ophunzira, ndi kusintha kwa maphunziro mdziko muno. Buku lachitatu lidakamba za m'mene atsogoleri a sukulu angapititsile patsogolo maphunziro a atsikana, ndi m'mene sukulu zingagwirire ntchito ndi anthu a m'dera lozungulira sukulu.

Zolina

Pakutha pa kuwunika za m'mbuyo, tikambirana zomwe atsogoleri a sukulu adachita potsatira maphunziro am'mabuku a Leadership 1, 2 ndi 3.

Nthawi

Mphindi 45

Zipangizo

- Leadership Modules 1, 2 ndi 3
- Matchati
- Umboni wina uli onse wokhudzana ndi Leadership 1, 2 ndi 3

Ntchito

1. Werengani *Uthenga wa Mlembi Wamkulu* (tsamba 1) ndi *Mawu Oyamba* (tsamba 2), molandizana. (mphindi 15)
2. M'magulu, ahedi alongosole zomwe adaphunzira m'mabuku atatu am'mbuyomu a Leadership Module 1, 2 ndi 3. Alongosole poyang'ana maina a mabuku omwe alembedwa mu Nkhokwe ya Mfundu. Atsatire mafunso awa (mphindi 7):
 - a. Sukulu idachita chiyani potsatira maphunziro omwe adalembedwa m'mabukuwa?
 - b. Pakhala kusintha kwa mtundu wanji potsatira maphunziro a m'mbuyomuwa?
3. Lembani mayankho pa tchati. (mphindi 10)
4. Fotokozerani ena onse zomwe mwalemba pa tchati. (mphindi 10)
5. Lembani mfundu zofunika zomwe zitchulidwe pa nthawi ya ndamanga. (mphindi 3)

Nkhokwe ya Mfundu

Maina a mabuku omwe alembedwa kuyambira pomwe MTPDS idayamba

- 1 Leadership Module 1: Managing CPD in Your School (Facilitator's Guide and Participants Manual)
 - 2 Leadership Module 2: Instructional Leadership (Facilitator's Guide and Participants' Manual)
 - 3 Leadership Module 3: Promoting Gender Sensitivity and Community Involvement in Schools (Facilitator's Guide and Participants' Manual)
 - 4 Numeracy Module 1: Teaching Mathematics (Facilitator's Guide and Participants' Manual)
(Numeracy yachotsedwa pa pulojeketi choncho siyikupitiliranso)
 - 5 Literacy Module 1: Teaching Chichewa and English (Facilitator's Guide and Participants' Manual)
 - 6 Literacy Module 2: Effective Teaching Techniques
 - 7 Literacy Module 3—Developing Literacy: The Role of Phonics and Fluency in Learning to Read
-
-
-
-
-
-
-
-
-
-
-
-
-
-
-
-
-
-
-
-
-
-
-

Mathero

Pa mutu uno wa *Kuwunika za m'mbuyo* takambirana za maphunziro omwe achitika m'mbuyomu.

Maphunzirowa anali ophunzitsa aphunzitsi za kaknazikitsidwe ka pulogalamu ya CPD pa sukulu.

Takambirana za mabuku atatu omwe agwiritsidwa ntchito m'mbuyomu, maphunziro omwe adali m'mabukumo, ndi zomwe atsogoleri a sukulu, monga a hedi ndi ma mentor a CPD, adachita pa sukulu potsatira maphunzirowa.

Manotsi

MUTU 1: Kuwunika ntchito za makomiti a sukulu ndi mabungwe a makolo ndi aphunzitsi mogwirizana ndi ndondomeko yatsopano ya maphunziro a ku pulayimale

Chiyambi

Boma linakonza ndondomeko yatsopano ya maphunziro m'sukulu za pulayimale. Ndondomekoyi kuti igwire bwino ntchito yake, anthu onse amene akukhuzidwa ndi maphunziro m'sukulu za pulayimale ayenera kukhala ndi chidwi chochita kalondolondo wa momwe ikugwiritsidwira ntchito.

Pa mutu uno, tikambirana za m'mene ma komiti ena angagwirire ntchito yawo popititsa maphunziro patsogolo. Makolo, maKomiti a Sukulu, ndi onse okhudzidwa mu kayendetsetsedwe ka sukulu ali ndi udindo waukulu wowonetsetsa kuti maphunziro akuyenda bwino pasukulu ndi mkalasi momwe. Udindo umenewu kuti uthike, mpofunika kupereka mwai kwa makolo ndi makomiti woti athe kubwera pa sukulu ndikutsatira mwachindunji zomwe zikuchitika pa maphunziro a pasukulupo.

Zolina

Pa kutha pa mutu uwu:

- tikambirana za maudindo a ena okhudzidwa pa kayendetsetsedwe ka sukulu ndi ntchito zawo.
- tipeza zolina za dongosolo la kalondolondo wowunika ndondomeko yatsopano ya maphunziro a ku pulaimale.

Nthawi

Ma ola awiri

Zipangizo

- Matchati
- Zolembra
- Zomatira

Ntchito yoyamba: Maudindo a ena okhudzidwa pa kayendetsedwe ka sululu ndi ntchito zawo (ola limodzi)

1. Thandizanani kuwerenga mmodzimmodzi mndandanda womwe uli mu Nkhokwe ya Mfundu. (mphindi 5)
2. M'magulu (mphindi 30)
 - a. kambiranani za ntchito imene mumagwira pa sukulu.
 - b. tchulani ntchito ina imene mumayenera kugwira, koma simukukwaniritsa.
 - c. perekani zifukwa zimene zimalepheretsa kuti mukwaniritse ntchito imene mumayenera kugwira.
 - d. kambiranani zomwe zingafunike kuti zichitike, kuti mukwaniritse kuchita zomwe mungafune zopititsa patsogolo ntchito yoyendetsa sukulu yanu.
 - e. lembani pa tchati mfundu zomwe mwakambirana.
3. Fotokozerani ena onse mfundu zomwe mwalemba. (mphindi 20)
4. Lembani mfundu zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundu

Magulu omwe ali ndi udindo pa kayendetsedwe ka sukulu

Okhudzidwa	Udindo ndi ntchito zake	Kusintha kofunikira
Unduna wa za Maphunziro, Mmazoni	MaPEA ali ndi udindo wofunika kwambiri: - kusula aphunzitsi - kuphunzitsa makolo, ndi - kuthandiza kayendetsedwe ka sukulu	Aphunzire kugwira ntchito ndi alangizi achitukuko cha m'midzi (CDAs) ndi ena am'boma, pamene maudindo ena atsikira ku maboma aang'ono.
Maunduna a Jenda ndi Ana, ndi chitukuko cha m'midzi	Alangizi a chitukuko m'midzi (CDAs) amagwira ntchito limodzi ndi komiti ya alangizi mchigawo cha a TA (Area Executive Committee), kukumaniza ndi kuphunzitsa	Aphunzire kugwira ntchito limodzi ndi a ku unduna wa maphunziro pamene ma udindo ena atsikira ku maboma aang'ono

MUTU 2: Kugwiritsa ntchito chipangizo chowunikira maphunziro

	makolo za kayendetsedwe ka sukulu. Amawonetsetsano kuti nkhanzi za jenda ndi HIV/AIDS zikuphunzitsidwa.	
Bungwe la Makolo ndi Aphunzitsi (Parent Teacher Association - PTA)	Kukumaniza makolo ndikuunika m'mene a komiti (SMC) akuyendetsera sukulu kupyolera mu pulani ya SIP	Sukulu zimene zilibi, ziyambitse
Komiti ya Sukulu (School Management Committee-SMC)	Kuyendetsa sukulu, kuyang'anira ntchito ya aphunzitsi ndi ophunzira	Sukulu zina zilibi, ena sadaphunzitsidwe ntchito yawo. Enanso alibe mphamvu zokwanira. Pofunika kulimbikitsa makomiti amenewa pa sukulu.
Mafumu a Ndodo (Traditional Authorities)	Kutsogolera anthu awo potenga mbali pa kayendetsedwe ka sukulu	Adziwitsidwe za kusintha kwa udindo wamakolo pa kayendetsedwe ka sukulu. Udindo wa makolo uposele kuwumba njelwa, ukhudze sukulu yonse.
Madera ozungulira sukulu (community)	Kusankha komiti yoyang'anira sukulu, ndikutenga mbali pa kayendetsedwe ka sukulu	Kumvetsetsa kufunika kwa sukulu ndinso kutenga mbali pa kayendetsedwe ka sukulu
Komiti ya alangizi mchigawo cha a TA (Area Development Committee)	Kuyendetsa ntchito zokonza dongosolo la kayendetsedwe ka maphunziro mdera la a TA	Maudindo amenewa adzutsidwe, ndipo awonetsetse kuti azimai akutenga mbali
Village Development Committee	Kuyendetsa ntchito zokonza dongosolo la kayendetsedwe ka maphunziro m'mudzi	Ma udindo amenewa adzutsidwe, ndipo awonetsetse kuti azimai akutenga mbali

Zoti mudziwe: Tchatiyi siinatchule onse okhudzidwa pa kayendetsedwe ka sukulu, ndi ntchito zawo.

Ntchito za Komiti ya Sukulu (SMC)	Ntchito za Bungwe la Makolo ndi Aphunzitsi (PTA)
-----------------------------------	--

<p>Kuwona kabweredwe ndi kafulumiridwe ka ophunzira ndi aphunzitsi pa suku.</p> <p>Kulangiza eni a suku pa kalembedwe ndi kachotsedwe ka anthu ogwira ntchito pa sukuluyo omwe si aphunzitsi.</p> <p>Kuthandiza kulemba ophunzira oyamba kumene suku.</p> <p>Kulangiza ophunzira kupitiliza suku.</p> <p>Kuonetsetsa kuti malangizo a Unduna wa za maphunziro akutsatidwa.</p> <p>Kulangiza eni a suku kuti mkhalidwe wa sukuluyo ugwirizane ndi zofuna za anthu a mderalo.</p> <p>Kuonetsetsa kuti nyumba ndi zipangizo za pa suku zikusamalidwa ndi kukonzedwa pamene zawonongeka.</p> <p>Kuyambitsa ntchito zachitukuko pa sukulupo mothandizidwa ndi atsogoleri ena a m'deralo.</p> <p>Kuwonetsetsa kuti ophunzira akuphunzira maphunziro apamwamba ndi ofunika.</p> <p>Kutsogolera, kulangiza ndi kuyang'anira kakonzedwe ka pulani ya ntchito yokweza maphunziro a pa suku.</p>	<p>Kusankha gulu la Komiti ya Sukulu</p> <p>Kuyitanitsa msonkhano ndi kufotokoza anthu zovuta zomwe zifunika kuziganizira pokonza pulani ya ntchito yokweza maphunziro a pa suku.</p> <p>Kuwadziwitsa mamembala a suku komiti zovuta za suku zimene makolo ndi anthu a mdero lozungulira suku akudandaula.</p> <p>Kuonetsetsa kuti gulu la komiti ya suku likuchitisa misonkhano pafupipafupi kuwfotokoza anthu zimene gululo likuchita.</p> <p>Imayimilira anthu onse a mdero lozungulira suku</p> <p>Imayang'ana m'mene a komiti ya suku akuyendetsera suku</p> <p>Imamema anthu pogwira ntchito ya SIP</p> <p>Imalandira ma lipoti ochokera ku SMC</p>
---	---

Kasankhidwe ka PTA	Kasankhidwe ka Komiti ya Sukulu
<ul style="list-style-type: none"> Theka la bungweli akhale amayi Mlembi wake ndi mphunzitsi wamkulu Wapampando wake ndi wosiyana ndi wapampando wa komiti ya suku Imakumana kosachepera katatu pa chaka <ul style="list-style-type: none"> Mamembala a mabungwe awiriwa akhale osiyana. Mabungwe onsewa aphunzitsidwe kagwiridwe ka ntchito yawo. Ntchito za mabungwewa zisaloweelane. 	<ul style="list-style-type: none"> Imasankhidwa ndi PTA Imakhala ndi mamembala asanu ndi anayi Atsogoleri ake amakhala wapampando, mlembi ndi msungichuma M'modzi mwa atatuwa akhale wamkazi Mamembala anayi amakhala makolo a ophunzira pa sukulupo Mamembala anayiwa amakhala pa udindo chaka chimodzi Mamembala ena amakhala pa udindo zaka ziwiri Mamembala akajomba misonkhano yoposa itatu popanda chifukwa apumitsidwe ndipo ena asankhidwe m'malo mwawo

**Ntchito yachiwiri: Kukambirana zolina za Dongosolo la kalondolondo
wowunika maphunziro (mphindi 45)**

1. Werengani zomwe zili mu Nkhokwe ya Mfundu pa tsamba lotsatirali. (mphindi 5)
2. M'magulu, santhulanu zomwe zili mu nkhokweyi zothandiza ophunzira kuphunzira ndi kuwalimbikitsa kulemba ndi kuwerenga. (mphindi 10)
3. Lembani pa tchati zomwe mwakambirana. (mphindi 10)
4. Fotokozerani ena onse zomwe mwakambirana. (mphindi 15)
5. Lembani mfundu zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundo

Zolinga za Dongosolo la kalondolondo wowunika maphunziro

Dongosolo la Kalondolondoyu lakonzedwa ndi cholina chofuna kuyankha mafunso akuluakulu a m'mene maphunziro akuyendera. Mafunso amenewa amafunsidwa ndi a PEA ndi akuluakulu ena, koma makomiti a sukulu angofunika kuwadziwa. Mafunsowa ndi otete. Kodi:

- aphunzitsi ndi sukulu akulandira zonse zofunikira pa ntchito yawo zothandiza kuti ayendetse dongosolo la maphunziro?
- zonse zofunikirazi zikuthandiza kuti kaphunzitsidwe kapite patsogolo mkalasi ndi pa sukulu?
- kupita patsogolo kwa kaphunzitsidwe kukuthandiza kuti zomwe ophunzira akuphunzira nazonso zipite patsogolo?

Zofunika Kuyang'ana

Zolowa (inputs)	Zotuluka (Outputs)	Zotsatira (Outcomes)
Zipangizo Zonse zofunika pa sukulu zilipo, ndipo zaperekedwa m'masukulu, kuphatikizapo: <ul style="list-style-type: none"> • Silabasi ya NPC ndi mabuku a aphunzitsi • Mabuku a ophunzira 	Pophunzitsa, aphunzitsi akuwonetsa maluso oyenderana ndi maphunziro, monga: <ul style="list-style-type: none"> • kuthandiza ophunzira kukonzekera phunziro latsopano. • ophunzira akutenga nawo mbali pa phunziro, osati mphunzitsi yekha kumangolankhula nthawi yonse ophunzira ali duu. • ophunzira akukhala m'magulu a saizi yoyenera ndikugwira ntchito yoyenera. • kupatsa ophunzira mpata wochita mwawokha zomwe aphunzitsidwa, mothandizidwa komanso mwaokha. • kumuphunzitsa wophunzira aliyense malinga ndi kaphunziliridwe kake (individualised learning), komanso kusintha njira potengera maluso a ophunzira. • kugwiritsa ntchito mafunso ndi mayankho olimbikitsa ophunzira, osati kuwabweza m'mbujo. • kuyesa ophunzira mwa pafupipafupi (continuous assessment). • kugwiritsa ntchito njira zophunzitsira zosiyanasiyana. • kuthandiza ophunzira kuganiza mozama ndi modekha (critical thinking). • kugwiritsa ntchito moyenera mabuku 	
Maphunziro a aphunzitsi Aphunzitsi alandira maphunziro owayenereza pa ntchito yawo, ndiponso maphunziro owathandiza kuzama.		Zotsatira za mayeso a ophunzira zikusonyeza kuti ophunzira akuchita bwino mu: <ul style="list-style-type: none"> • Masamu • Chilankhulo • Kulemba • Kuwerenga
Thandizo kwa aphunzitsi Aphunzitsi akulandira		

chithandizo pafupipafupi chowathandiza mkaphunzitsidwe ka NPC, kuchokera kwa aphunzitsi owayang'anira, a hedi, ndi a PEA.	a ophunzira ndi zipangizo zina.	
--	---------------------------------	--

Mathero

Pa mutu uno takambirana za m'mene ma komiti a Sukulu ndi mabungwe a makolo ndi a phunzitsi angagwirire ntchito yawo popititsa maphunziro patsogolo. Izi zithandiza kuti makolo ndi makomiti agwire ntchito yawo bwino.

Kuwunikanso za m'Mutuwu

Ndi zinthu ziti zomwe mungachite kuti muthandize kuititsa patsogolo kulemba ndi kuwerenga pa sukulu ndinso m'dera lanu?

MUTU 2: Kugwiritsa ntchito chipangizo chowunikira maphunziro

Chiyambi

M'mutu woyamba takambirana za momwe ma komiti angagwirire ntchito yawo yowunika ndondomeko yatsopano ya maphunziro a ku pulayimale. Pa mutu uno tikambirana ndi kuphunzitsana chipangizo chowunikira m'mene maphunziro akuyendera pa sukulu. Ndipofunka kuti aphunzitsi, makolo ndi onse okhudzidwa ndi kayendetsedwe ka sukulu ya mdera lanu adziwe za chipangizo chimenechi.

Makolo ndi a Komiti ya Sukulu akuyenera kudziwa kagwiritsidwe ntchito ka chipangizochi, ndipo aphunzitsi akuyeneranso kudziwa m'mene makolo ndi a Komiti ya Sukulu azigwiritsira ntchito chipangizochi. Motero, makolo ndi a Komiti akafika pasukulu, aphunzitsi sakhalo odzidzimutsidwa, ndipo akhala omasuka kupereka zonse zofunikira kuti ntchitoyi iyende bwino.

Zolina

Pakutha pa mutu uno:

- tikonzekera kugwiritsa ntchito chipangizo chowunikira maphunziro.
- tinena kumene tingapeze umboni wa momwe maphunziro akuyendera.
- tigwiritsa ntchito chipangizo chowunikira maphunziro.
- tikambirana momwe tingagwiritsire ntchito umboni womwe tapeza pa sukulu

Nthawi

Ma Ola atatu ndi theka

Zipangizo

- Chipangizo chowunikira maphunziro (School Assessment Tool)
- Zolembra
- Masking tape
- Mabuku a aphunzitsi(Teachers` guides)
- Mabuku a ophunzira (Learners` books)
- Masilabasi
- Masikimu
- Ndondomeko zophunzitsira mkalasi (lesson plan)
- Malekodi a kakhozedwe ka ophunzira (Assessment records)

Ntchito yoyamba: kukonzekera kugwiritsa ntchito chipangizo chowunikira maphunziro (School Assessment Tool) (mphindi 50)

1. Thandizanani kuwerenga mmodzimmodzi Nkhokwe ya Mfundu ndi chikalata chomwe chili ku mapeto kwa buku lino chotchedwa *Thandizani Mwana Wanu Kuphunzira Kuwerenga*. (mphindi 10)
2. Mmagulu (mphindi 15)
 - a) uzani anzau mfundo zomwe mwawonjezera.
 - b) lembani pa tchati mfundo zomwe mwawonjezera.
3. Fotokozerani ena onse mfundo zomwe mwalemba pa tchati. (mphindi 20)
4. Lembani mfundo zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundu

Tingadziwe momwe maphunziro akuyendera poyang`anira izi:

- Momwe aphunzitsi akugwirira ntchito yawo monga kuthandiza ophunzira kudziwa kuwerenga, kulemba, kulemba masamu, ndiponso momwe akugwirira ntchito yawo pasukulupo.
- Maluso omwe ophunzira akuonetsa pa zomwe aphunzira kuchokera mu ndondomeko yamaphunziryo.
- Kuona ngati zipangizo zophunzilira ndi kuphunzitsira ndizokwanira ndiponso zikugwiritsidwa ntchito bwino.
- Momwe aphunzitsi akubwerera kusukulu monga kujomba kapena kuchedwa.
- Momwe ophunzira akubwerera kusukulu kudzaphunzira - kujomba kapena kuchedwa.
- Momwe aphunzitsi akuthandizirana pofuna kupititsa patsogolo kaphunzitsidwe kawo.
- Momwe makolo akuthandizira aphunzitsi kugwira ntchito yawo.
- Momwe makolo akuthandizira ophunzira pa maphunziro awo.

Manotsi

Ntchito yachiwiri: kukambirana kumene tingapeze umboni wa momwe maphunziro akuyendera (mphindi 50)

1. Thandizanani kuwerenga mmodzimmodzi Nkhokwe ya Mfundu ili m'musiyi. Patsanani mpata kuti anthu angapo athandizane kuwerenga. (mphindi 10)
2. M`magulu (mphindi 20)
 - a) sankhani mfundo imodzi, mwachitsanzo kaphunzitsidwe. Tengani umboni wake ndi kuuwunika bwino (mwachitsanzo, lesson plan, ndi zina zotero).
 - b) kambiranani zovuta zomwe mungakumane nazo pofuna kuwona umboniwu.
 - c) kambiranani zomwe mungathe kuchita pofuna kupewa zovutazo.
 - d) lembani patchati mayankho anu.
3. Fotokozerani ena onse zomwe mwalemba. (mphindi 15)
4. Lembani mfundo zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundu

Mfundu	Chitsanzo cha umboni	Komwe tingapeze umboni
Kaphunzitsidwe	<p>Kuona momwe aphunzitsi:</p> <ol style="list-style-type: none"> 1. akonzerera ntchito yawo 2. akuphunzitsira <p>Kuona momwe ophunzira akukhozera mayeso</p> <p>Kuona maluso a ophunzira monga kuwerenga, kulemba, ndi kuwerengera</p>	<p>Ndondomeko yophunzitsira (lesson plan)</p> <p>Ntchito ya ophunzira</p> <p>Kalondolondo (Record) ya momwe ophunzira akuchitira pa phunziro</p> <p>Kawerengedwe ndi kalembedwe ka ophunzira</p> <p>Ziwonetsero za kulemba ndi kuwerenga</p>
Kuona momwe ophunzira akuonetsera maluso awo pazomwe aphunzira-kuwerenga, kulemba	<p>Kuona momwe ophunzira akukhozera mayeso</p> <p>Kuona maluso a ophunzira monga kuwerenga, kulemba, ndi kuwerengera</p>	<p>Buku lomwe aphunzitsi amalembamo kakhozedwe ka ophunzira</p> <p>Kawerengedwe ndi kalembedwe ka ophunzira</p>

MUTU 2: Kugwiritsa ntchito chipangizo chowunikira maphunziro

Kulondoloza momwe aphunzitsi akubwerera ku ntchito	Kabweredwe ndi kajombedwe Kufulumira ndi Kuchedwa	Buku la nthawi yomwe aphunzitsi afikira (timebook) M`makalasi momwe aphunzitsi amaphunzitsa Kufunsa ophunzira
Kulondoloza kudziperekwa kwa aphunzitsi pa ntchito yawo	Kugwira ntchito kapena kucheza nthawi ya ntchito Kuchonga kapena kusachonga ntchito ya ophunzira	Mlozo wa maphunziro pa sukulu (master timetable) Makope a ophunzira
Kulondoloza momwe ophunzira akubwelera ku sukulu	Kabweredwe ndi kajombedwe Kufulumira ndi kuchedwa	Buku lomwe amalembamo momwe ophunzira akubwerera mkalasi M`makalasi momwe aphunzitsi amaphunzitsira – kuwerenga ophunzira omwe abwera
Kuchuluka kwa zipangizo zophunzitsira ndi kuphunzilira	Mabuku a ophunzira ndi aphunzitsi Zolembera Zipangizo zopachika	Buku lomwe amalembamo zomwe ophunzira alandira M`makalasi momwe aphunzitsi amaphunzitsira
Kuona zomwe aphunzitsi akuchita pokweza ntchito yawo (CPD)	Ndondomeko ya maphunziro awo, zomwe amaphunzitsana Buku la zomwe aphunzitsana Mphunzitsi wamkulu	Buku lomwe amalembamo zipangizo zophunzilira zomwe zaperekedwa kwa aphunzitsi/ophunzira M`makalasi – kuona zipangizo zomwe ophunzira akugwiritsa ntchito

MUTU 2: Kugwiritsa ntchito chipangizo chowunikira maphunziro

Kuona momwe makolo akuthandizira pa ntchito za mundondomeko yophunzitsira	Kupereka zophunzilira kwa ophunzira Kulimbikitsa ophunzira kupita kusukulu masiku onse	Aphunzitsi Makolo Ophunzira
--	--	---

Manotsi

MUTU 2: Kugwiritsa ntchito chipangizo chowunikira maphunziro

Ntchito yachitatu: Kukambirana momwe tingagwiritsire ntchito chipangizo chowunikira maphunziro (ola limodzi)

1. M'magulu
 - a) werengani chipangizo chowunikira maphunziro chomwe chili mu Nkhokwe ya Mfundu. (mphindi 15)
 - b) gawanani magawo ndipo onetsetsani kuti gulu liri lonse liri ndi gawo lake. Wunikani chipangizo chake ndikukambirani kufunika kwake. (mphindi 10)
 - c) kambiranani ndi kulemba mavuto omwe angakhalepo, ndi kapewedwe kake, pogwiritsa ntchito chipangizochi. (mphindi 10)
 - d) kambiranani momwe mungapewere kapena kuthetsera mavutowo. (mphindi 10)
2. Fotokozerani magulu ena onse mfundo zomwe mwalemba. (mphindi 15)
3. Lembani mfundo zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundu

CHIPANGIZO CHOWUNIKIRA MAPHUNZIRO (SCHOOL ASSESSMENT REPORT CARD) (*Lembani pa pepala mayankho omwe akufunika kulongosola*)

A. Za sukulu yathu

1. Dzina la sukulu	2. Cluster					
3. Zone	4. District					
5. Division	6. Date					
7. Dzina la membala wa Komiti ya Sukulu	8. Dzina la mphunzitsi wothandizira					
9. Nambala ya aphunzitsi a std 1 – 4 pa sukulu	10. Chiwerengero cha ophunzira					
Kalasi	Amuna	Akazi	Ophunzira	Atsikana	Anyamata	
Std 1			Std 1			
Std 2			Std 2			
Std 3			Std 3			
Std 4			Std 4			
Std 5			Std 5			
Std 6			Std 6			
Std 7			Std 7			
Std 8			Std 8			
Onse (total)			Onse (total)			

B. Kuphunzitsa	Mwezi woyamba	Mwezi wachiwiri	Mwezi wachitatu
11. Ndi aphunzitsi angati omwe ali ndi ma lesson plan pa tsiku lomwe mwayendera sukulu?			
12. Ndi ma lesoni angati amene sanaphunzitsidwe mwezi umenewu?			

C. Kuphunzira	Mwezi woyamba	Mwezi wachiwiri	Mwezi wachitatu
13. Kodi ophunzira ambiri a mu Std 2 anakhoza bwanji mu Chichewa (kuwerenga) mwezi wapitawu?			
14. Kodi ophunzira ambiri a mu Std 4 anakhoza bwanji mu Chichewa (kuwerenga) mwezi wapitawu?			
15. Kodi panali kupita patsogolo kulikonse mu kuwerenga mu Std 2 mumwezi wapitawu kulekana ndi kale?			
16. Kodi panali kupita patsogolo kulikonse mu kuwerenga mu Std 4 mumwezi wapitawu kulekana ndi kale?			

D. Kubwera ku sululu kwa aphunzitsi	Mwezi woyamba	Mwezi wachiwiri	Mwezi wachitatu
17. Kodi aphunzitsi ajomba masiku angati mwezi wathawu, onse pamodzi?			
18. Kodi ndi aphunzitsi angati amene ajomba patsiku lomwe mwayendera sukului?			
19. Kodi ndi zifukwa zenizeni ziti zomwe aphunzitsi anajombera mwezi wathawu?			
20. Ndi aphunzitsi angati amene analipo poyamba pa tsiku lomwe mwayendera sukulu?			

E. Kubwera ku sukulu kwa ophunzira	Mwezi woyamba	Mwezi wachiwiri	Mwezi wachitatu
21. Anyamata ndi atsikana a Std 2 abwera angati lero?	M F	M F	M F
22. Anyamata ndi atsikana a Std 4 abwera angati lero?	M F	M F	M F
23. Patsiku lirilonse, ndi anyamata ndi atsikana a Std 2 angati amene amajomba mwezi wathawu?	M F	M F	M F
24. Patsiku lirilonse, ndi anyamata ndi atsikana a Std 4 angati amene amajomba mwezi wathawu?	M F	M F	M F
25. Kodi sukulu inasunga kaundula (register) wa ana ojomba mwezi wathawu? (pemphani kuti muone kaundula ameneyu)			
26. Ndi ophunzira angati omwe anajomba ndipo aphunzitsi anawatsatira kukawaona kunyumba kwao mwezi wangothawu?			

27. Kodi sukulu inapanga chiyani kuti ichepetse kujomba kwa ana a sukulu?			
28. Ndi ana angati amene anapatsidwa malangizo chifukwa chochedwa pobwera kusukulu mwezi wangothawu?			

F. Zipangizo zophunzitsira	Mwezi woyamba	Mwezi wachiwiri	Mwezi wachitatu
29. Ndi ana a Std 2 angati amene analibe mabuku a Chichewa mwezi wathawu?			
30. Ndi ana a Std 4 angati amene analibe mabuku a Chichewa mwezi wathawu?			
31. Ndi ana a Std 2 angati amene analibe mabuku a English mwezi wathawu?			
32. Ndi ana a Std 4 angati amene analibe mabuku a English mwezi wathawu?			
33. Ndi ana a Std 1 – 8 angati omwe awerengapo ma supplementary readers mwezi wathawu?			

G. Chithandizo choperekedwa kwa aphunzitsi	Mwezi woyamba	Mwezi wachiwiri	Mwezi wachitatu
34. Ndi aphunzitsi angati amene ayenderedwa ndi a hedi/CPD mentor mwezi wathawu?			
35. Ndi aphunzitsi angati amene ayenderedwa ndi a PEA mwezi wathawu?			
36. Ndi aphunzitsi angati amene anachita nawo CPD mwezi wathawu?			
37. Ndi zochitika zotani zothandiza kuti ana adziwe kuwerenga zomwe zachitika pa sukulupa mwezi wathawu? (Kambani)			

H. Chithandizo chochokera ku makolo	Mwezi woyamba	Mwezi wachiwiri	Mwezi wachitatu
38. A komiti ya sukulu mwathandiza aphunzitsi kangati pazochitika zamkalasi mwezi wathawu?			
39. Makolo athandiza kangati ophunzira mu zochitika za mkalasi mwezi wathawu?			
40. Kodi a SMC/PTA munachita zotani kuti kujomba kwa aphunzitsi kuchepoko mwezi wathawu?			
41. Kodi a SMC/PTA munachita zotani kuti kujomba kwa ana a sukulu kuchepoko mwezi wathawu?			
42. A SMC/PTA munalimbikitsa aphunzitsi munjira zotani kuti asamachedwe pobwera kusukulu mwezi wathawu?			
43. Nanga a SMC/PTA munalimbikitsa ana a sukulu munjira zotani kuti asamachedwe pobwera kusukulu mwezi wathawu?			

	44. A SMC/PTA munachitapo chiyani pa za SIP mwezi wathawu?			
	45. Kodi mwezi ukubwerawu zofunikira kwambiri kuchita mu SIP monga a SCM/PTA ndi chiyani?			

Chipangizo chonse mwachidule: School _____ Zone _____ District _____

		Momwe zinthu ziliri pasukulu (chongani momwe zinthu ziliri ndiye longosolani)	Zoti zipangidwe
A	Chiwerengero cha ana	Chapang'ono Chokwanira Chopitilira muyezo Anyamata ndi atsikana: Achuluka ndi atsikana Chimodzimodzi Achuluka ndi anyamata	
B	Aphunzitsi	Alipo okwanira Alipo osakwanira Amuna ndi akazi: Achuluka ndi akazi Chimodzimodzi Achuluka ndi amuna	
C	Kaphunzitsidwe	Aphunzitsi akukonzekera(onse/ osati onse) Aphunzitsi sajomba (zoona/ sizoona) Aphunzitsi amachonga ntchito ya ana nthawi ndi nthawi (Onse/osati onse)	
D	Kuphunzira	Ana akudziwa kuwerenga kwambiri Ana akuyesera kuwerenga (choncho) Ana sakutha kuwerenga	
E	Kabweredwe kwa aphunzitsi (Teacher attendance)	Amabwera nthawi zonse Amabwera bwino Akujomba kwambiri	
F	Kabweredwe kwa ophunzira (Learner Attendance)	Amabwera ochuluka Amabwera bwino Amajomba kwambiri	
G	Zipangizo zophunzitsira ndi zophunzirira	Zokwanira Zosakwanira	
H	Chithandizo choperekedwa kwa aphunzitsi	Chokwanira Chosakwanira	
I	Chithandizo chochokera kwa makolo kumaphunziro	Chokwanira Chosakwanira	
J	Zofunikira kuchita mu chitukuko cha sukulu (SIP)	Zofunikira zedi (Priority)	

**Ntchito yachinayi: Kukambirana momwe tingagwiritsire ntchito umboni
womwe tapeza pa sukulu (mphindi 50)**

1. Mmagulu
 - a) thandizanani kuwerenga Nkhokwe ya Mfundu. (mphindi 5)
 - b) sankhani chinthu chimodzi chomwe catchulidwa mu gawo C (Nkhokwe ya Mfundu)
cholimbikitsa kupititsa patsogolo kulemba ndi kuwerenga pa sukulu yanu ndi m'dera lanu.
 - c) konzani mndandanda wa ntchito yoti mugwire chaka chikubwerachi, ndi nthawi yake.
Mukhoza kupeza mfundu zina zowonjezera mu chikalata chomwe chili kumapeto kwa buku
lino, chotchedwa *Thandizani Mwana Wanu Kuphunzira Kuwerenga*. (mphindi 15)
 - d) lembani mndandanda wanuwo pa tchati. (mphindi 5)
2. Fotokozerani ena onse mndandanda womwe mwakonza. (mphindi 15)
3. Lembani mfundu zofunika zomwe zitchulidwe pa nthawi ya ndamanga. (mphindi 5)

Nkhokwe ya Mfundu

- A.** Kufunika kwa umboni womwe wapezeka pogwiritsa ntchito chipangizo chowunikira maphunziro. Umboniuwu uthandiza:
- kukonza mapulani otukulira maphunziro pa sukulu (School Improvement Plan-SIP).
 - kupeza chithandizo choyenera kuti sukulu iyende bwino.
 - kulimbikitsa ubale pakati pa aphunzitsi ndi makolo.
 - kulimbikitsa aphunzitsi.
 - kulimbikitsa ophunzira.
 - kutsatira dongosolo loyenera pa aphunzitsi omwe sakusintha makhalidwe awo.
- B.** Zoyenera kuchita
- kufokozera makolo, anthu a mdera lozungulira sukulu, mafumu ndi onse okhudzidwa za m'mene maphunziro ayendera, potengera zomwe mwapeza.
 - kugawana umboniwo ndi a PEA kuti atumize ku boma.
 - kugawana umboniwo ndi ma sukulu enanso mu zoni kuti muthandizane nzeru.
 - kugwiritsa ntchito umboniwo pokonza SIP ya chaka chikubwerachi.
 - kudziwitsa ma NGO, ma bizinesi, atsogoleri a mipingo, atsogoleri a ndale, ndi ena oyenerera za m'mene sukuluiyi ikuyendera, kuti awone momwe angathandizire.
 - kuwunika ndi kukonza njira zopewera zomwe zingathe kubwezeretsa mbuyo chitukuko cha maphunziro.
- C.** kulimbikitsa kulemba ndi kuwerenga pochita zina mwa izi:
- a. kumanga nkhowe ya mabuku (school library).
 - b. kupeza mabuku, manyuzi, magazine ndi zina zowerenga.
 - c. chiwonetsoro cha kulemba ndi kuwerenga (literacy fair).
 - d. makalabu a owerenga (reading clubs).
 - e. kuthandiza aphunzitsi kukonza zipangizo zolimbikitsa kulemba ndi kuwerenga.
 - f. makolo kuwerengera ana kunyumba ndi kusukulu, ndi kuwakambira nthano.

Mathero

M'mutuwu tawunika momwe anthu amene akukhudzidwa pa maphunziro a msukulu za pulayimale angagwiritsire ntchito chipangizo chowunikira maphunziro. Takambirananso kufunika kwa chipangizochi. Tagawananso nzeru pa momwe tingapezere umboni wa momwe maphunziro akuyendera.

Kuwunikanso za m'Mutuwu

Ndi zinthu ziti zomwe mungachite kuti muthandize kupititsa patsogolo kulemba ndi kuwerenga pa sukulu ndinso m'dera lanu?

Manotsi

References

Boma la Malawi (2011) *Dongosolo lotenga nawo mbali pakayendetsedwe ka sukulu za pulaimale m' Malawi*. Lilongwe: MoEST

Ministry of Education, Science and Technology & Malawi Teacher Professional Development Support (2012) *Training Manual for Using School Report Cards by School Management Committees*. MoEST: Lilongwe

Ministry of Education, Science and Technology & Malawi Teacher Professional Development Support (2011) *Monitoring and Evaluation Framework for the National Primary Curriculum*. Lilongwe: MoEST

Thandizani Mwana Wanu Kuphunzira Kuwerenga

Kutukula kuwerenga ndi kulemba m'makalasi aang'onoang'ono ndi cholinga chenicheni cha boma

Mu dziko lino la Malawi, ana amakhaa zaka zambiri pasukulu koma osadziwa kulemba ndi kuwerenga bwino. Kafukufuku wa kuwerenga (Early Grade Reading Assessment) wa m'chaka cha 2010 anaonetsa kuti ana ambiri a m'makalasi ang'onoang'ono a pulayimale sakudziwa kuwerenga ngakhale mawu amodzi okha. Zimenezi ziyenera kusintha ngati tikufuna kuti dziko lino ndi achinyamata athu adzakhale otutukuka. Chikalatachi chikukufotokoza m'mene makolo ndi anthu a m'mudzi angagwirire ntchito limodzi ndi aphunzitsi kuti vutoli lithie.

Kufunika kophunzira kuwerenga mwamsanga

Kuwerenga ndiye luso lofunikira kwambiri limene mwana wanu angaphunzire kusukulu. Kukhoza m'maphunziro ena onse kumadalira kuwerenga. Choncho ndi kofunika kuti ana aphunzire kuwerenga mwamsanga. Ana odziwa kuwerenga amachita bwino m'moyo wawo wa mtsogolo ndi kuthandiza pa chitukoko cha m'mabanja ndi m'madera awo. Pamene ana osadziwa kuwerenga sachita bwino m'maphunziro awo ndipo nchachidziwikire kuti amasiya sukulu.



Tingathandize bwanji kuti ana achite bwino kusukulu

Makolo, ndi udundo wanu kuthandiza mwana wanu m'maphunziro ake. Kuti mukwaniritse zimenezi tuyenera kutsatira izi:

- Onetsansi kuti ana onse a msinkhu woyenera sukulu azipita kusukuluko tsiku lirilonse ndiponso asamachedwe.
- Onetsansi kuti mwana wanu wadya chakudya asanapite kusukulu.
- Onetsansi chidwi pa zomwe mwana wanu waphunzira kusukulu. Funsani zomwe waphunzira kusukulu.
- Onetsansi kuti mwana wanu walemba ntchito yakunyumba ndipo wakhala pamalo abata ndipo ali ndi nthawi yabwino yoti achite ntchitoyo.

- Muonetseni mwana wanuyo kuti mumasangalala akamakhoza kusukulu.
- Onetsani chidwi ndi zotsatira za mayeso za mwana wanu ndipozotsatirazi zimakudziwitsani m'mene mwana wanuyo akuchitira kusukuluko. Kambiranani ndi mwana wanu pamodzi ndi aphunzitsi ake.
- Ngati nkotheka, onetsetsani kuti mwana wanu ali ndi zipangizo zoyenera zophunzirira.

Muthandizeni mwana wanu posamalira mabuku a kusukulu powakutira ndi kumata masamba ong'ambika.

Kuthandiza mwana kuwerenga pamene ali kunyumba

Zotsatirazi ndi njira zina zomwe zingathandize mwana kuti aziwerenga ali kunyumba:


- Werengani limodzi ndi mwana wanu tsiku ndi tsiku. Powerengapo muuzeni kuti atchule mayina a malembo a alifabeti.
 - Thandizani ana kuti adziwe maliwu a malembo onse.
 - Ngati akukanika kuwerenga mawu, tchulani limodzi maliwu a lembo lirilonse m'mawuwo.
 - Muuzeni mwanayo atchule tanthauzo la mawu ndi ziganizo zomwe akuwerenga.
 - Muyamikireni mwanayo pamene akuchita bwino.
 - Awuzeni ana okulirapo kuti athandize ang'ono awo.
- Khalani ndi mabuku, manyuzipepala ndi china chilichonse chimene mwana akhoza kuwerenga. panyumba panupo. Mulimbikitseni mwana wanuyo kuti aziwerenga ndipo muzimufunsa mafunso okhudzana ndi zomwe wawerenga.

Ngati mwana wanu ali Sitandade 1 muthandizeni kuti athe kuwerenga ndi kulemba dzina lake. Onetsetsani kuti mwanayo ali ndi chipepala cholembapo dzina lake chomwe adzivala kusukulu tsiku ndi tsiku.

Tigwirane manja polimbikitsa kuwerenga

Makolo , atsogoleri a bungwe loyimilira makolo (PTA), a sukulu komiti (SMC) ndi anthu ena onse ali ndi udindo wothandiza ana kuwerenga. Anthu onsewa ayenera kugwirizana ndi kupeza njira zoti ana akhale ndi chidwi chofuna kuwerenga. Njira zokwaniritsa zimenezi ndi izi:

- Kuthandiza aphunzitsi kuti akhale ndi



zopachika m'makalasi awo zoti ana azitha kuwerenga.

- Kupereka chithandizo kwa aphunzitsi popanga zipangizo zophunzitsira kapena kuthandiza kukutira ndi kusamalira mabuku.
- Kumakumana kawirkawiri kuunika m'mene ana akukhozera m'makalasi ndi kuunika njira zomwe zingawathandize ana kuti achite bwino.
- Kukhazikitsa makalabu owerenga ndi nkhokwe za mabuku kuti ana athandizike kuwerenga ndi kulemba.
- Kukhazikitsa tsiku la chiwonetsero cha kulemba ndi kuwerenga lomwe makolo ndi anthu ena akhoza kubwera kusukulu kudzacheza ndi ana pamodzi ndi aphunzitsi.
- Ngati makolo mukhoza kuthandiza ponena nthano ndi kuwerenga nthawi ya sukulu.

Malawi Teacher Professional Development Support

Malawi Teacher Professional Development Support (MTPDS) ndi polojeketi ya USAID yothandiza kutukula maphunziro ya zaka zitatu yomwe ikugwira ntchitoyi mogwirizana ndi Unduna wa Maphunziro, Sayansi ndi Luso (MoEST). Ndipo MTPDS ili cholinga chotukula luso la kuwerenga ndi kulemba la ana a m'Malawi m'makalasi aang'onoang'ono mu sukulu za pulayimale ndiponso kutukula luso la aphunzitsi mu njira zophunzitsira kuwerenga ndi kulemba.

Manotsi

Manotsi
